

## أنا آسف

مفيش بإيديا أي قرار  
ولا بإشاره من عيني  
أوقف فيكي ضرب النار  
وما تحطيش أمل فيا  
أمل ماتت  
وسابت جوه حلقي مرار  
زمان قالوا علينا اخوات  
كأنا في جسد واحد  
وكات كدبة بنسمعها  
وقالوا لو شكت "سوريا"  
"سودانا" يحس بوجعها  
وإن النيل بيروينا .. يغدينا  
ويجري ف كل منابعها  
كلام أوهام ...  
بلاش تبني ف أحلامك ...

بلاش تتمني في منامك  
وخبية قوام توقعها  
و مليون آه يا "غزة" ...  
يا أرض بتتزرع عزة  
يا إيد مليانه بحجاره ...  
وبالعفة بتتغذى  
ده لو قالوا صلاح الدين ..  
بطل حطين رجع تاني ...  
نقول جايز  
ولو قالوا شמוש الحق...  
راح تسطع بشوارعنا ...  
تنور سكة العاجز  
ولو قالوا قمر ليك ...  
صبح بركان ... على الأحزان ..  
أقول عايز..  
بساط أخضر لزيتونك ...  
وعطر الأقصى ف عيونك

يا أول قبله صلينا ..  
وآخر أمنيته لنا  
نحرر أرضك الطاهرة ..  
نعطرها بدم شهيد  
تعيش بطولاته وسطينا  
وبالجنه أكيد فايز

....

